

NIKOLA LOVRINOVIĆ
zastupnik u Zastupničkom domu
Parlamentarne skupštine BiH

Sarajevo, 24. 3. 2022. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24-03-2022

Organizaciona jedinica	Klasifikaciona oznaka	Redni broj	Broj priloga
01-	50-1-	15-28	/22

PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
n/r PREDSJEDATELJU VIJEĆA MINISTARA
g. ZORANU TEGELTIJI

PREDMET: Zastupničko pitanje

Poštovani,

Sukladno članku 166. Poslovnika Zastupničkog doma Parlamentarne skupštine BiH ("Službeni glasnik BiH", broj 79/14, 81/15 i 97/15) postavljam pitanje Vijeću ministara, te Vas molim da ga prosljedite.

Pitanje glasi:

Poštovani,

Sada već davne 2020. godine od Vas sam dobio odgovor na pitanje o održavanju tzv. Antifašističkog prosvjeda 16. 5. 2020. godine u Sarajevu. Odgovor Vam šaljem u pravitku akta.


No, zanima me ponovo jesu li izvršene provjere i utvrđene činjenice oko istog i jesu li poduzete ikakve mjere protiv organizatora, s obzirom da je skup dobio obilježje javnog skupa a ne mimohoda, kako je najavljeno.

S poštovanjem,

Dostavljeno:

- Naslovu
- a/a

Zastupnik u Zastupničkom domu
Parlamentarne skupštine BiH
Nikola Lovrinović





Broj: 05-50-1-1607-2/20

Sarajevo: 30.6.2020. godine

Nikola Lovrinović, zastupnik u Zastupničkom domu Parlamentarne skupštine Bosne i Hercegovine, u skladu sa člankom 166. i člankom 170. Poslovnika Zastupničkog doma Parlamentarne skupštine BiH, postavio je 20.5.2020. godine sljedeće zastupničko pitanje:

„Tko je organizator tzv. antifašističkih prosvjeda održanih 16.5.2020. godine u Sarajevu i je li imao dopuštenje za isti? Jesu li ispoštovane mjere zapovjedi Federalnog stožera civilne zaštite o okupljanu u vrijeme epidemije, ako nisu hoće li se poduzeti predviđene mjere sankcioniranja takvog ponašanja i kada?“

Na postavljeno pitanje, Vijeće ministara Bosne i Hercegovine je na 10. sjednici održanoj 30.6.2020. godine, utvrdilo sljedeći: (broj)
(datum sjednice)

ODGOVOR

Dana 12.05.2020. godine, od strane Udruženja građana „Savez antifašista i boraca narodnooslobodilačkog rata u Bosni i Hercegovini“, dostavljen je akt kojim se informira Ministarstvo unutarnjih poslova Kantona Sarajevo o ~~planiranoj~~ organizaciji komemoracije/mimohoda žrtvama zločinačkog ustaškog terora u Sarajevu 1941-1945. godine.

Prema navodima u aktu komemoracija/mimohod će se održati u Sarajevu u ulici Trg BiH i kod spomen obilježja žrtvama ispred Filozofskog fakulteta.

Obavijest Udruženja građana je blagovremeno dostavljena nadležnoj organizacionoj jedinici Uprave policije Ministarstva unutarnjih poslova Kantona Sarajevo na poduzimanje neophodnih mjera i radnji.

Na okolnosti navedenog, u više navrata, u službenim prostorijama Druge policijske uprave, obavljen je razgovor sa aktivistima navedenog udruženja, te im skrenuta pažnja i naložena obaveza poštivanja naredbi nadležnih organa u pogledu korištenja lične zaštitne opreme, poštivanja socijalne distance i drugih higijensko-epidemioloških mjera za sve učesnike komemoracije, a sve u cilju sprečavanja širenja zaraze koronavirusom (COVID - 19).

Također, isti su upozoreni i na činjenicu da, ukoliko komemoracija/mimohod poprimi obilježje javnog skupa u smislu zadržavanja većeg broja ljudi na određenom lokalitetu, da će odgovorne osobe snositi propisane zakonske sankcije.

Obzirom na obim i složenost poslova koje trenutno obavlja Uprava policije Ministarstva unutarnjih poslova Kantona Sarajevo, te obvezu da se izvrše odgovarajuće provjere i utvrde relevantne činjenice, vrši se sveobuhvatna analiza i prikupljanje odgovarajućih dokaza i informacija u vezi predmetnog događaja, nakon čega će se eventualno protiv odgovornih pravnih odnosno fizičkih osoba poduzeti Zakonom propisane mjere i radnje.

U više navrata, usmenim i pismenim putem, od strane Federalnog štaba civilne zaštite, traženo je tumačenje naredbi broj 12-40-6-148-9/20 od 17.03.2020. godine i broj 12-40-6-148-9-2/20 od 14.05.2020.godine, u svezi otklanjanje očitih nejasnoća koje proizilaze iz teksta donesenih naredbi koje se odnose na oblast javnih okupljanja, od kojih do danas nije dobijen odgovor.